

碧溪詩集卷之三

慈谿張鈇子威著



五言律詩

春日偶成

卜居南郭際華戶
面崇丘醉後酒濯足
倦來書枕頭
草生村徑僻
花發野堂幽
溪上春波濶
垂綸看白鷗

春夜山居遣興

終歲衡門下垂垂
守一經未嘗求祿仕
豈敢怨

朝廷處世真迂拙
生兒頗寧馨
孤吟聊抱膝
松月照虛局

夏日山居卽事

野人不那暑晨起坐茅堂
山雨弄晴旭林風回早涼
閣書辭孔聖展簟卧羲皇
心境俱清泰金仙何處鄉
與陸性元西齋話別

三載一相見離懷語未休
篝燈深夜坐載酒暮春遊
客久多歸夢交深重別愁
幾時橋畔柳重爲纜扁舟
與李子陽解元同宿吳門
周希載舉人宅夜酌話舊

故人經歲別邂逅宿吳門
二十年前事三更燭下論
南山猶隱豹北海已騰鯤
莫計升沈跡深杯且強吞

客中逢誕日

客中逢誕日辛苦憶慈親
三十七年事尋常千里身
青春將舍我白髮漸欺人
多少同庚者芳名列縉紳
山居獨坐遣興

閒來成獨坐興至卽豪吟
老得驚人語貧生厭俗心
溪風晨把釣山月夜鳴琴
無意千名譽何勞覓賞音
送陳貞素之東陽

頻年多契濶此別重徘徊
明日又千里幾時同一杯
貧遭衣食遣老怯鬢毛催
山路多炎熱君行及早回
留別陸性元

故舊經年別江湖動遠思重來心耿耿欲發意遲遲
落月愁邊夢停雲望裏詩一年一相送折盡綠楊枝

秋夜山居獨酌

山罇對濁醪涼吹入絺袍手澤空千卷年華已二毛
酒狂貧不減詩思老逾豪清夜無人共徘徊山月高

仲冬苦雨感懷

十日雨中坐惡聞簷溜鳴青天雲可補文石鍊難
牢落悲生計澆淪感世情便傾蒼海水污俗幾時清

遊崑山絕頂

緣蘿升絕巘地位儼加尊北斗行堪把東溟坐可吞

魚鹽江外市雞犬郭西村靜閑堪輿內俱承覆載恩

遊崑山次唐張祐韻

徑險延迴久西巖日欲吞暗泉鳴石罅清梵響松根
燈火東西郭砧聲遠近村歸來人語靜寒月在衙門

含輝閣

高棟薄青冥虛窓納曜靈雲浮朱拱細花撲盡簷聲
涼月琴邊白春山酒面青欄杆深夜倚揮袖拂天星

遊姑蘇臺次沈石田韻

亡國遺基在乘閒此重遊江山自形勝禾黍幾春秋
思節名難泯繁華夢易休平生多感慨不爲昔人愁

晚歸

頽然一腐儒高憤笑于于心隱廟堂念跡淪山澤
家貧人事畧身老世情殊日暮歸空谷無人咏白駒
夏夜宴華光祿山池

一樽同宴樂坐對小蓬萊移席邀山近停杯待月來
風清羅扇緩夜靜玉笙哀庭草知人意幽花故故開

吳中歸

頻年湖海上衰白始知還借宅仍栽竹推窓且看山
水清魚尾瘦林密鳥聲繁自分材樗散甘棲蓬華間

南臯

江上波濤險山中箝箴絕自知時節去漸與世情違
北闕無通籍南臯有釣竿吹細雨不犯綠蓑衣

元日遣懷

元日書雲罷柴門尚反關獨慙鳩性拙猶寄鵲巢間
退筆堆成塚遺編絜作山癡翁閒不住擲菓戲孫頑
和馮竹窓七十自遣二首

心同年少日壽屬古稀辰白髮雖欺老青山不笑貧
從教時事別且愛物華新遍地栽花木幽居日日春
白髮嬉遊日斑衣奉養辰堆床詩草富落筆硯池貧
樽酒藏醅舊江魚入饌新莫嫌生意少蘭玉滿庭春

奉化鄒大尹陪遊佛塔亭登後山觀佛跡

乘暇訪仙踪
攀蘿陟峻峰
敗垣斜迸笋
絕壁倒懸松
野鳥啼相喚
山麋走或逢
政清民事簡
遊豫每從容

借韻自述

造化初無意
吾生自不辰
敝裘長作客
破硯豈資貧
鶴髮渾非故
鳩巢屢得新
村醪沽一醉
拍拍蒲懷春
會史巽仲黃門於沈氏漁沙別業夜酌叙別
偶會漁沙上
持杯話昔年
雨涼絺袂薄
風細燭花偏
時事歸長歎
離懷屬短篇
明朝馳想處
杳杳夕陽船
竹屋爲常熟王舜儀賦

結茅脩竹下
便自少塵埃
省却過鄰看
無煩借宅栽
門通君子入
徑絕俗人來
頗性穿硤笋
尋常破綠苔

月坡爲朱文明賦

獨愛平坡月
渾無草樹侵
秋光隨短策
夜氣薄虛襟
地僻羣囂遠
天高萬籟沈
無人會幽意
孤坐托鳴琴
正德戊辰長至月杳懷

白髮南臯叟
卑棲鳥雀羣
有生聊遣日
無瑞不書雲
衰病逢凶歲
優容荷

聖君重門人
不到清坐對
爐熏

端午卽事

溪翁垂白髮獨坐掩茅茨酒觥浮蒲玉蔬盤釘笋熟
家貧虛令節身賤愧清時千古懷沙恨悲歌動遠思
馮行甫正郎見余午日之作連和二首書此

奉謝

貧家少來往兀兀守茅茨
落戶迎銀鹿開緘美色絲
忽如懷至寶已不負佳時
愧乏瓊瑤報停雲繫我思
閏五月五日山居獨酌

兩番簪艾葉短髮闔葳蕤
重午又重午一杯還一杯
坐無良友共食有稚孫陪
暫假片時樂玉山他自頹

寄偉溪工部

初得休官信匆匆喜又悲
鳳歌誰復咏麟出自非時
雲物堪詩料山田賸酒資
幾時風月夕持觥話相思
和周半齋亞參樓居卽事韻三首

蕨境總悠悠天開晝畫樓
香山初結社宦海早回頭
花影揀詩月松聲洗夢秋
封侯何足計應笑曲如鉤
老興轉悠悠頻修五鳳樓
向來曾束手此拜重低頭
眼界橫空海肩峰瘦削秋
紛紛鐵壚步誰解鑄吳鉤
白髮凭高處偏宜晚景樓
談玄揮麈尾占象認旄頭
久享太平日適逢多事秋
可容周尚父終老渭川鉤

聞山東河南江西諸路賊兵甚熾

警報尋常至老夫愁獨深簡書頰促戰草竊未成檢
原野湯膏血廟堂誰腹心豈知垂盡日憂患及山林

南北諸盜未靖郡縣發民兵往戍

烽火連年動耕農發羨丁怒來忘白髮長嘯拂青萍
狂寇徒亡命

高皇自有靈天兵俄獻捷海宇復清寧

山東盜賊日盛 詔發邊兵勦除

齊魯遭狂寇生靈陷不辜蛾眉充下陳黔首效前驅
下詔征邊戍宣威出廟謨將軍急征勦秋至欲防胡

讀孔明傳

四百炎劉盡吹嗟藉此豪君才堪傳說天意含商高
光嶽收靈爽風雲想節旄悲歌望巴蜀衰髮正蕭騷
癸酉元旦龍淵試筆

異鄉迎歲首衰鬢感年華垂老猶爲客逢春未到家
草萊秋後綠梅禁臘前花世事渾如此吾生詎有涯
江西盜賊復橫行 掠三衢浙江諸郡盡發民
兵禦之農業荒廢深爲可憂

三綱久瀆亂二氣失中和郡邑誅求盡山溪嘯聚多
民丁俱調發農事正如何野老無容力憂來獨嘯歌
玉泉爲茅山沈靈官賦

山泉何瑩潔石罅一泓深雨過聽鳴玉月來看湧金
初臨渾照膽久對自清心寄語迷途客仙源此處尋
次馮仁甫山行韻五首

行遍北山北轉過西澗西樹迷村遠近雲補岫高低
飛鳥橫稍嶺遊魚逆上溪偶乘春服便不是慕巖棲
寶峰千古地近在郭門西雲氣連山動泉聲落澗低
傍花循曲徑隨柳繞迴溪久負蒼生望東山亦暫棲
山深林吏密四顧失東西孤嶂一臨眺羣峰盡覺低
攀蘿升絕磴架木度橫溪欲脫征徭計來尋巢父棲
出郭窮幽勝行行到日西固貪芳草軟坐愛偃松低

雅意懷逆社清才羨竹溪
日輒沮溺侶白首尚棲棲
乘閒遊古寺行遍郭東西
鳴瀑懸崖迥歸雲入洞低
人非秦處士地似武陵溪
苦爲詩靡惱孤吟抱月棲
漁莊逸老爲江陰王雪舟賦

久辦漁簑計生涯漸可人
古塘三畝宅清世一間身
短髮初黏雪高懷不染塵
持竿臨野水鷗鳥日相親
怡山爲常熟陳掌教賦

不爲烟霞癖平生與靜便
於心恒仰止寓目卽欣然
命策非無願投簪未有緣
功名遂後歸隱樂餘年
分祿養親爲前人賦

千里遙分俸高堂有老親官卑權爲養祿薄稱居貧
藜藿春暉重菁莪化雨新人方稱孝子吾已卜忠臣
琴川除夕與會稽賓寅菴夜酌

故鄉勞遠夢歸計苦無因除夜一樽酒暮年千里人
梅矜窮後節柳送客邊春與子同勾越相看意自親
與陸江東太史月下汎舟次韻

福舟清夜汎蕩漾白鷗沙新水四五尺孤村三兩家
旌旗風外柳鼓吹月中蛙幸接瀛洲侶虛傳博望槎
與江東太史餞別宋西溪地官舟中次韻

送送星華使輕風直綵帆
每欲障日白苧細含秋

廊廟屬深眷江湖懷遠遊野人分袂後安穩卧滄洲
客中喜小兒至

客久稀音信愁多損肺肝故鄉遊子至今夜老懷安
門祚嗟何薄書香幸未殘從頭問親舊持酒坐更闌
上本邑董大尹

海邦凋敝甚天意特煩公何幸衰殘日重瞻愷悌風
德威須並濟教養務兼隆政久民斯化毋求赫赫功
賀大尹葉侯祈雨有感

近來花縣客誰似葉侯賢百拜爲祈雨一誠能格天
民謠歌

聖世社酒樂豐年雖出尋常語還期後代傳

賀王本明七十

今夕復何夕狐南麗碧天世躋全盛日人樂古稀年
聚賀來吟社賡歌沸壽筵相傳王子晉重作地行仙

長至日試筆

藜床初睡覺紅日上窓餘天道一陽復溪翁百病除
衰容頽命酒短髮不勝梳已覺生生意循環轉敝廬
馮心齋都運見和二首復此奉答

銀鹿將雲錦猥歸老病餘曲高成寡和技痒未全除
欲杖青藜出還將白髮梳喜看長至後和氣已充廬
紛紛盈耳處樵唱牧謳急覩高篇至隨令俗韻除
塵容初就盥蓬壺午經梳野老渾忘病條然坐草廬
後三日夜坐復次前韻簡心齋

南臯耕釣叟喜值一陽餘宿恙隨清脫窮愁自破除
敝袍因客御衰髮倩人梳寂寂吟詩坐寒宵月滿廬
心齋復和見答再次復之

久病瘵爲崇相將一月餘自從陽道長漸覺病根除
短榻依簷坐衰毛逐縷梳青衣何處僕傳簡到吾廬

晚步次前韻

吟行乘晚霽返照尚留餘市遠塵歌絕天寒沴氣除

庭莎經雨沐林竹耐風梳愛此幽偏地何時遂結廬
自詠

尋詩郊外景搜括殆無餘自得師傳淺難教俗習除
蕪詞徒粉飾醜婦強粧梳從此宜投筆高眠晝掩廬
答王迂齋太守見和長至試筆韻

我愛江州守中年致政餘庭槐還自植徑草不教除
酒或通宵飲頭常傍午梳公門無事入時扣野人廬
齊名自坐迂瓊出世情餘庭淨槐陰蒲堦高俗全除
龍龍來遠秀螺髻逞濃梳天爲文章士安然置此廬
齊宦心無繫還家樂有餘槐陰數尺蒲桂子秀庭除
跡爲詩詩出頭因見客梳數竿堦外竹清表子猷所
復和前韻答心齋

高懷真曠達富貴一塵餘官爲吟詩棄囊因贍族除
華簪慵日戴短髮憚晨梳文士常盈座奎星聚此廬
寒夜獨坐感懷復用前韻

寂寂寒齋裏孤燈夜坐餘老懷良惡薄豪氣漸消除
腹負三食飯頭經一月梳鍾聲何處至隔水有僧廬
又答心齋

耽起青排闥東山過雨餘雖居闌闔裡全覺市歌除
斷句髭頰撫耽經髮廢梳世情誇負郭墳典愛充廬

雨悶無聊書此自遣

自分七旬外有生皆羨餘年增知歲換陽長識陰除
雨悶憑詩遣霜毛帶病梳併忘身寄寓天地即吾廬

晚步

衰颯滄洲叟新拋藥果餘閒來憑杖屨緩步下磴除
野曠天垂幕簷高月掛梳欲邀知己客談笑坐林廬

玩山

剡川遺世客雅志愛青山坐石時留憩穿雲或忘還
竒觀春雨後變態夕陽間野老空翹企高風不可攀

五言排律

壽亞卿金公

禮樂逢昌運衣冠出世家南都門闕迥東浙慶源賒
科甲題名早郎曹著績嘉威風清百越惠澤潤三巴
身坐尚書府兒乘使者車壽筵借老慶畫錦闔門誇
愛日桑榆景和風棠棣花填篔簹諧雅韻歌管斥淫哇
坐集金貂貴詩呈錦繡佳懸弧逾節貽穀秀蘭芽
盛德應無忝脩齡詎有涯傾陽心轉赤點雪鬢初華
方叔猷何壯阿衡位荐加金甌看覆宇黃閣聽宣麻
末學嗟生晚窮居望道遐每懷瞻玉樹相倚愧兼葭
意切勤三祝才疎畏八叉吉人天合相總不在詞夸

挽司空白公

結髮登科第清時得偉人諫垣承寵擢京兆荐榮臻
廷尉俄遷秩臺端累致身遠謨降海寇昭格奠河神
珮玉趨丹陛封章達紫宸位加三省侍恩洽兩
京民簡任逢

明主矜刑屬老臣官高腰換玉貴重鬢添銀羣從多
逢掖諸郎總緝紳桑榆期漸屆蓴蕨思應頻

聖眷方深江表情懇自陳錦衣歸故里樽酒叙比隣
澤彼溪山潤榮沾草木春

帝堯黃鵠遠公愛白鷗馴月旦評何重天倫樂自真

齋成遐棄日剛及古稀辰孰繫原堂念誰凋里閭貧

紀勲煩史語勅葬後

皇仁尚憶遊南國曾過謁後塵德容猶在眼聞訃忽

沾巾

送邑侯倪公陞秋官主事之京

瀟灑都門彥雍容泮水春青年窮簡牘素志在經綸
錫宴瓊林後宦遊滄海濱已看花作縣咸美玉爲人
雅量堪容物清才總絕倫談霏驚客座文采動儒紳
山色斜連郭江流曲繞鄞烟花資旅况水竹助吟神
愛國心懸赤憂時鬢着銀四窮恒切念三事不忘身

治績行將奏銓曹早見掄幾年淹下邑今日遇通津
榮擢歸西省遠朝望北辰明刑持國憲欽恤體

皇仁信是璫璵器終爲鼎鼐臣士夫皆走賀父老獨
悲辛徒自歌廉范無由借寇恂甘棠猶可羨旌節望
南巡

當代瀛仙侶中吳世宦家風神凌玉樹藻思麗春葩
名重心逾下才高志不夸獨持

天子命遠牧海之涯欲識三年政須看一縣花羣黎
藉鞭朴繞郭藹桑麻院靜鶯啼竹門閒鶴守衙雅懷
便水石吟興入烟霞銓部名先播秋臺命驟加囊輕

行色便酒盡別情賒自顧窮經久猶慙望道遐幾時
隨劍佩天上謁

重華

碧溪詩集卷之四

慈谿張鈇子威著

七言律詩

寒夜病懷三首

悶來無語坐昏鐘
厭聽西窓落葉風
多病一身如槁木
苦吟雙鬢類秋蓬
西飛白日愁難繫
北上青雲惜未通
自笑文章無用處
相如誰道賦偏工

蕭蕭風雨送秋聲
卧病西窓感慨并
半世生涯容落魄
百年豪氣尚崢嶸
鬢邊白髮元無種
床下寒蛩似有情
留得張儀三寸舌
未應流落過平生

寒宵獨坐悶難裁，
鬢裏新醅強自開。
半壁寒燈看爨
變一簷，
踈雨送愁來。
故人誰復憐多病，

明主何曾棄不才。
夜半酒酣歌激烈，
可堪踪跡久蒿
萊。

春日病中

酒病經旬猶伏枕，
花時一月不開門。
茅簷暗溜聞宵
雨，
蓬壁清輝見旭暎。
世事幾番蝴蝶夢，
人情千古杜
鵑魂。狂夫自喜無閒惱，
更簇山叢對瓦盆。

董黯遺祠

偶值鄰家惡少年，
慈親飲恨入重泉。
此生孝養悲無
極，
百世深仇可共天。
往事已無遺老問，
芳名空托斷
碑傳。
題詩弔古多惆悵，
又聽斜陽哭杜鵑。

世南故里

凌烟閣上圖形後，
文獻而今尚足徵。
五絕才名欽日
月，
千秋祀事賴雲仍。
生前妙墨空遺世，
湖上荒基半
爲僧。
對景不須長太息，
蕭蕭松栢冷昭陵。

曉橋夕照

綠令曾來御史驄，
巍然成此濟川功。
千年遺澤深滄
海，
百尺危橋過綵虹。
空有畫欄懸夕照，
久無綠綺奏
薰風。
後來誰獨非民牧，
長使行人感慨中。

慈湖春風

湖上春來風物佳，欽哉此老得心齋。百年絕學徒興喟，一代高風自可懷。欲向真源尋活水，願祈生意發枯荑。誰知魚躍鳶飛處，此景分明是聖涯。

遊寶峰

峩峩絕巘上，凌空勝日登。臨興不窮百萬有，形皆造化三千大。地總春風浮雲流水，何時盡徃古來。今此意同樂事，未央時欲暮。徘徊高咏夕陽中。

遊寶峰次桂理菴韻

鬱鬱佳氣四時浮，春服初成愜勝遊。九日牛山空滄淚，千年洛社自風流。熙熙百物含春意，皞皞羣生荷帝休。濯罷溪泉坐松石，清風颯爽似深秋。

至日客中寫懷

誤將書劍作生涯，旅館閒吟感歲華。自笑一身猶泛梗，俄看六琯又吹葭。百年天地誰非客，萬里江湖我當家。撫景漸知春意近，踈梅墻角已含葩。

成化己亥十二月之望，予寓無錫之文峰楊氏，將命舟南還，爲雨所阻，夜酌留別楊時明。次日即立春矣。

清溪終日雨不住，天亦爲君留故人。此夕一樽同送

臘明朝兩地各逢春
合翠柳眼應憐我
索笑梅花
損神莫道臨岐
遠別暮雲回首益沾巾

寓常熟送鳴遠舍弟源姪南還

琴川三月柳如藍
別思歸心兩不堪
每望雲霄懷冀
北獨憐風雨走江南
無由對榻留蘇轍
况在窮途送阮咸
杳杳故鄉千里恨
坐看汀樹沒征帆

與顏子美論時事有感

魔魔窮途不自謀
耳聞時事重增愁
將軍射獵能馳
馬宰相遊行懶問牛
西北人民相啖食
東南郡邑苦
訴求道傍笑我真
狂稚無事長懷杞國憂

寓通州生日有感

犬馬之年已四旬
纔過午節值生辰
星霜冉冉愁中
鬢塵土昏昏夢裡身
急景西馳空老我
故園南望獨傷神
男兒落地四方志
誰料桑蓬解誤人

秋晚餘東江行遠望虞山懷陸珍菴

初夏渡江秋未還
愁吟微步夕陽間
知心不見雲間
陸望眼徒懸海上山
故里風烟多樂事
異鄉塵土獨尋顏
歸雅落木江天暮
一榻蕭然又掩關

上南京兵部尚書三原王公其年七十

白玉垂腰雪滿顛
三槐家世曲江仙
英風自懾奸雄

膽大任兼持將相權一寸丹心傾白日幾回赤手
青天願祈眉壽同西華永固

皇圖億萬年

南京承恩寺與沈君錫進士叙別

十日聯牀同聽雨兩人對酒暫開懷相逢旅底情偏
洽纔說鄉音語自諧斑鬢吾猶馳道路青年君已步
天階明朝更有烟波恨君向瀟湘我渡淮

送盧翔漢

祖帳西郊送遠行酒闌醉聽棹歌聲風前寒葉向人
落江口暮潮和月生錦樹重遮神禹穴青山故繞越

王城經過此地多懷古好寄新詩慰別情

得馮原孝秋官手書賦此答之

雨長幽徑足莓苔無事衙門日宴開野老溪邊持釣
坐故人天上寄書來擬將閒散供多病何意高明問
不才千里忽勤隨驥想慙無駿骨獻 金臺

壽金太僕先生八十

八十詩仙兩鬢霜身將松菊老江鄉謔誇舊日綵綸
手最愛平生錦繡腸風節自堪扶世教聲名豈獨藉
詞章養生試看庭前竹祇爲無心故又長

寓崑峰送桑鶴溪還海虞

詩壇久別杜陵豪，蓮社重逢栗里陶。
梅萼鬢絲猶未白，玉峰詩骨兩爭高。
風前咳唾皆珠玉，席上追陪總俊髦。
歸棹正逢殘雪後，一泓新綠漲蒲葦。

寓武進送濟姪南還

曉出東門送阿咸，臨岐話別重喃喃。
雲萍踪跡吾空老，玉樹風標爾不凡。
希聖莫忘功百倍，逢人須記口三緘。
明年又值賢科日，雁塔期將姓字鐫。

重到揚州與謝承之書舊有感

予昔寓維揚，承之亦在。予嘗習禮吳崇古，蘇過從甚密，弘治改元

予先南歸，三年復來，則黃傳張俱已物故。
吳客西川，友信往來，湖湘獨彥達一人在。
彥達蓋鄞人，而戍役維揚者，與予酌酒話舊，慨念存歿，不能爲懷賦此識感。

此日維揚省舊遊，相逢無語淚交流。
二三年後吾重到，五六人中子獨留。
泉路茫茫驚宛別，江湖渺渺感離憂。
浮生聚散尋常事，百念沾從一醉休。

過黃五瓚舊寓

雙鬢翛然照素秋，此翁風度異常流。
黃金半爲燒丹盡，白酒多因好客篋。
仙跡已無黃石在，塵心空慕赤

松遊廣陵城外重回首落日悲笳起暮愁

中秋家兄官舍夜酌不見月而作

斗酒毘陵叙懿親持杯滿意待冰輪黑雲故掩中秋
月白髮羞看半百人如此夜遊須秉燭無端秋思欲
沾巾西風薄暮催寒信千里慈闈望正頻

秋夜雨中感懷

經秋抱病卧蘭陵志欲神宵力未能千里鄉心風外
杵十年塵事雨中燈古人藥石三緘口浮世風波九
折肱欹枕無眠聽盡曙光如水潑窓楞

寓毘陵病後送李仁仲會試

病起兼旬少送迎故人相見若爲情持杯謔叙半年
別把劍又驚千至行客裡無錢沽綠醕胸中有策濟
蒼生自甘潦倒江湖上洗耳朝陽綵鳳鳴

毘陵將他適示澤姪

少小攜書氣便豪誰甘駮骨苑蓬蒿半生琴劍非吾
志百世箕裘望爾曹遠塞風高陽鳥至荒城月落曙
烏號歸心別思渾難遣一夜霜華襲鬢毛

賦孫世節西川次吳匏菴少宰韻

帝塵隔斷水涯東清世仍容避世翁畫靜溪聲來枕
畔夜深河影落窓中夕陽初下瞻新月曉雨將收見

斷虹一段幽閒誰貌得玉堂詞藻奪天工

和錢裕軒繡衣西園晚步韻

緩步西園聽鳥聲
虞峰晚色送新晴
依簷修竹娟娟淨
轉砌寒渠澗澗清
雅興從來就水石
遺榮直欲謝簪纓
清才久屬蒼生望
未許君兼吏隱名

十一月望日夜酌吳門朱良貴南溪樓

南溪一帶接官河
溪上樓居瞰碧波
百尺簷楹新結構
十年書劍幾經過
酒杯偶與斯人共
月色偏於此夜多
俯仰乾坤無限思
倚欄遙聽扣舷歌

金灘釣隱爲新淦盧翔漢賦

玉笥山前金水清
高人於此寄平生
青簑野渡披蓑雨
白石沙洲坐晚晴
弱線自堪維國脉
直鉤原不釣時名
年來亦有幽棲興
來就滄浪共濯纓

壽狄秋林大尹七十

青鏡流年已七旬
修髯如戟鬢如銀
形容半爲猷詩瘦
生業翻從作宰貧
謗倚豪吟消歲月
直將狄節抗風塵
黃花正發逢初度
始信柴桑有後身

自吳門過相城訪沈石田和有竹莊詩韻

閨閭門外春初霽
隱隱遙山帶遠川
問字船經彭嶼口
草玄亭落相城邊
柴扉靜掩深深竹
石竇幽通細

細泉惟底主人知客至一聲鳴鶴下汀煙

寓吳門朱氏之南溪樓與金川劉曾麟叙別
南溪樓上偶相逢姓氏鄉邦口自通清譽尋常雙耳
熟芳樽邂逅兩人同朋情款款秋燈下別意淒淒夜
雨中他日會期渾未定天涯書劍莫匆匆

送錢世恒僉憲

宮袍繡薦帶鏤銀曾是南臺舊諫臣官爲近民恩易
洽士逢知己忘方仲山東久已瞻姬旦河內徒然借
寇恂齊魯年來多歉歲細書民瘼奏 楓宸

寓無錫泰伯鄒氏春暮客懷二首

寄跡江湖漸白頭一春歸計又都休已無靈藥隄防
老且仗深杯斷送愁遊說張儀空傳食思鄉王粲數
登樓浮生翻不如萍梗猶逐滄波東向流
硯田隨處寄生涯小技雕蟲浪見誇春後啼鶻空有
血社前歸燕正無家自憐處世同浮梗誰暇臨風歎
落花寄語東山舊猿鶴結茅終儼傍煙霞

遊吉安天華山

天華咫尺郡城西翠壁丹崖望欲迷樓閣勢隨山起
伏檐檣影逐樹高低當窓晴漢縷堪濯入座閒雲袖
可攜勝地重來良未卜臨行拂石紀新題

寒夜宿吉安慈恩僧舍

秋來短髮倍蕭然，書劍飄零不計年。
故國交親空在念，異鄉風物暫隨緣。
山窓竹近雲依榻，野水波平月印川。
興味似僧差戴髮，一燈深夜坐枯禪。

夜泊五雲驛遺懷

維舟水驛問通津，旅况淒淒似逐臣。
夜靜灘聲頻聒耳，天寒江月近依人。
遊踪更比前時遠，生計還如舊日貧。
窮達於人皆分定，愁眉對酒且教伸。

自贛州登舟將適梅嶺舟中遺懷

自笑昂藏七尺身，長年書劍走風塵。
謀生落落慙無術，下筆飄飄覺有神。
未信白衣終老我，相逢青眼更何人。
梅花畢竟知消息，且復行探庾嶺春。

弘治己未秋爲儉人所陷流寓杭城九日登

吳山有感兼懷故園諸友

吳山無伴獨登高，感事傷時首重搔。
智勝龐涓孫臏則，才高須賈范睢逃。
空持綠酒懷三益，羞折黃花插二毛。
歸到家園秋向盡，故人應有念綠袍。

寓錫山崇安寺感懷成秋興四首

斗柄西廻序屬秋，江湖遊客不勝愁。
尋常胡虜馳虛報，多少朝臣效急流。
自昔關門無虎旅，而今釣澤有

牟襄雨窓吟坐悲長夜的的孤燈照白頭

今夜東林月色新
候蟲偏近苦吟人
可憐魚鱉填東海
敢道豺狼去要津
萬古龍泉埋獄土
三邊雉堞暗胡塵
腐儒在世真何補
西望長安幾側身
遠客無衣秋漸深
誰家向月動寒砧
搔來白髮頻拈雪
折得黃花且插金
迢遞關河千里思
澄清海宇百年心有懷
落落憑誰吐
高聳眉峰費苦吟
斗轉參橫夜向徂
步蟾倚杖獨踟蹰
秋深草樹渾凋落
雨後煙雲互慘舒
世上何人收駿骨
道傍有鳥嚇鴟雛
江湖滿地風波惡
愁絕窮居老腐儒

秋夜宿平湖僧寺感懷

客身長是寄僧居
半壁寒燈夜榻虛
自笑耽詩愁社
甫誰憐賣賦病相如
庭礎露下吟蛩苦
江郭秋深落木疎
慨古傷今無限思
一聲長嘯手拋書

病後至吳門寓朱良貴南溪樓

百年辛苦爲身謀
多病那堪獨倚樓
短髮易凋霜後
早浮生輕減水中漚
風塵瀕洞驚秋報
景物蕭條感暮愁
便欲還山尋舊隱
可能辟穀似留侯

吳門夜泊

耿耿秋懷對月孤
身隨水鳥宿菰蒲
朱公一去今千

載張子扁舟又五湖幘帽眼中先見越鷗夷散
沈吳間邊且莫論興廢呼酒來嘗巨口鱸

送劉二尹解官歸永豐

哦松斯立無公事愛菊淵明有道風勇退便從今日
始見幾真與古人同此身已入鷗盟裡外物都歸蝶
夢中世累不關眠自穩東窗朝日仕渠紅

寄李時禎武選

十年不見李長庚洗覺
肺生霹靂詞驚鬼膽
春風軟待漏華簪曙
惜繁纓

微輝始影道夢魂清

春風軟待漏華簪曙

八頃西老狂言憑

惜繁纓

奉化鄒大尹携酒佛塔寺邀予山行席上即事

雲澹風和雨乍晴縣官携酒出郊行不因故事供修
禱聊假春遊出省耕山水勝中尋佛迹壺觴樂處款
朋情固知拂壁無紅袖草草留題紀姓名

西橋爲俞二守賦

家住城東類浣溪石橋正在草堂西直過柳岬塵方
斷深入桃源路欲迷斜日水村橫負鼎暝烟山廓卧
虹霓還期駟馬歸來後野服相從此杖藜
郭外虹橋柳外堤綠莎夾徑接桃蹊相如舊在井城

北子美幽居勝漢西素練倒光秋漢迫畫欄斜影夕
陽低風煙變態時時別投老歸來細品題

相城西菴天影閣

小閣憑虛野水濱綠楊如堵隔紅塵浮生自信影中
戲俯闕忽疑天上人茗盃借僧閒半日波紋散我作
千身輕雷遙送催詩雨莫恠臨流句有神

次石田病中喜許國用至韻

戒飲常防酒作痰老懷聊復爲君堪一番舊雨翫佳
約四座清風助劇談有限光陰欣歲閏無憑世事任
朝三當歌莫放流杯緩庭樹依稀暝色含

石田借

別呂秉之太常席上

次韻

吳下名山重虎丘良辰又喜得追遊休文愛客張璠
席獻可之官駐綵舟畫興再沽鄰市酒了詩還赴佛
燈油明朝獨上瞻行旆柳外惟應見驛樓

一上孤峰與世分追遊况復盡斯文凭欄下閱三千
界試屐高凌萬頃雲東老壺觴聊暇日西施臺館幾
斜照酒酣懷古舒長嘯驚起松間白鶴羣

五月十六日與石田舟行夜宿靈殿寺簡審

菴上人

杳杳孤舟入暝煙夜投靈殿似逃禪閒庭偶坐月明
處老衲便疑僧皎然借浴蘭湯修淨業願從茗盃結
清緣明朝更儼留衣別只恐重來未有年

六月廿六日與華光祿汝德遊膠山寺

雨後新涼放畫船清風兩腋興飄然幾年聽說膠山
寺今日來嘗竇乳泉樽酒從容陪白社瓣香次第禮
金仙莫輕半日僧前話亦是三生石上緣

次韻寫懷

雨窓搔首重徘徊對酒淒然久閣杯楊子豈因岐路
泣賈生端爲國家哀蕭騷白髮憐多病迢遞青雲

愧不才自信老年無喜事燈花故故爲誰開

弘治癸亥冬揚州看春

牢落江湖白髮人摩挲兩眼看新春可憐無限溝渠
骨俱是當今版籍民梅柳未能回氣色鼓笳徒欲亂
吟呻愚夫空有傷時感丹悃何由達 紫宸

六十自遣三首

齒牙搖落鬢毵毵六十誰云矍鑠哉一子聊堪藜藿
寄百年長感蓼莪哀鳩巢活計慙無似櫟社全年幸
不材會得榮期三樂意且將笑口向人開

酒波照影見鬚髭自笑溪翁老矣哉暮景桑榆聊借

樂故宮禾黍浪興哀久知白誓堪王佐未信龍鍾是
相材身似向平婚嫁畢衰顏還對瓦盆開

蔬盤笋豆共稊粳兒女團圞也樂哉故紙功名何足
慕園基勝敗底須哀庭蕉嫩葉充書具園竹新枝長
笛材一樹榴花紅照眼安知不爲老人開

澄江王文潔東園有池亭號獨醒亭

五畝園中半畝塘虛亭面面納天光自餘江左流風
在肯使山陰舊業荒酒觥謬憑臨曲水冠纓先愛濯
滄浪獨醒固有楣間榜且放溪翁一醉狂

送郡牧伍公陞澗大叅

蒲街竹馬走兒童金送在後東南國有時思召
伯東人無計效周公舊屬提封內感德猶存愛
戴中他日荐膺台輔寄更祈回首念疲癯

秋日錢士弘工部攜酒朝鳴寺叙話晚歸奉
簡

小橋幽徑曲穿松深造菩提法界中水部權爲東道
主溪翁坐占北窓風梵音起處秋潮應蓮社闌時夕
照紅香篆漸消清話畢回頭已覺萬緣空

弘治乙丑除夕寓佑聖觀寫懷兼簡士弘工

部

殘冬雨雪滯錢塘客思江天共渺茫弘治紀年今日
盡陶唐遺澤幾時忘寒爐獨對丹房客煖閣兼懷粉
署郎誰報梅花消息近久應衰鬢負春光

七月二十七日爲先處士易簣之辰前兩歲
以筆耕餬口吳下今歲適還舍而府公又以
纂修實錄召至郡中寓館延慶寺不得歸薦
中元節邁一旬餘忽記先人易簣初三載不曾供祀
事旅身猶是寄僧居虛名已誤煩官府末學何堪與
史書

君德親恩俱莫報
西望立躊躇

九日方信之少參置酒天封塔招城中諸士
夫陪予作登高之行醉中湯興

重陽攜酒塔中來殊勝南朝戲馬臺破帽且教籠鬢
髮高懷自喜出塵埃樽前但得人長健籬下何妨菊
未開萬里海天雲物淨醉摩雙眼望蓬萊

少參暨魏達卿廣文俱有和篇復用韻

城中古塔未曾來載酒登高藉栢臺風物眼前成勝
槩功名身外等浮埃遊踪離世今千仞笑口逢人且
一開前代英豪知幾許石麟埋沒委蒿萊

達卿亦別有作次韻三首

不因牢落賦悲秋且辦登高作勝遊試歷危梯觀
界欲移砥柱立中流雲邊漸想諸天近海角渾疑
土浮忽辱清篇撩醉興枯腸行復費窮搜

數莖白髮照清秋老去江湖已倦遊幸與諸公陪勝
賞未教九老擅風流偶因登塔空中望便擬乘桴海
上浮萬物一時歸眼底何煩杜甫更冥搜

古塔高凌碧漢秋滿城文物共追遊儼成洛社衣冠
會却笑牛山滄淚流醉眠不知天遠近曠懷寧與世
沈浮狂來信口皆詩句不是寒郊要苦搜

五月九日生朝寫懷

簷外楊花照眼紅茅堂兀坐意忡忡白頭兒子猶思
母黃口雛孫解喚翁倦志自甘隨退鷁壯心誰復冀
冥鴻閑來點檢人間事六十二年春夢中

次韻劉世和表兄七十寫懷世和號西嶺樵
君年較我又加旬却喜清才老不貧談世每尋持釣
處棋曾作爛柯人樵名直與山增價詩句多於物
其攜取一樽來共飲東籬黃菊露香新

世和復次前韻見示再和答之

茅堂坐暑動逾旬忽覩高篇足慰貧野老慙無才濟
世嶺樵慣有語驚人菊籬閒步情何適茗盞清談音

自真雨後嫩涼生白苧城南相送月華新

劉世鳴惠詩依韻奉答

忽承高韻勝竒琛捧誦茅齋坐漏深似有鬼神環在榻
頓驚風雨戰秋林青雲事業違初志白首交情慰宿心
早晚得閒須過我東籬黃菊有殘金

二月朔日又添一孫述懷

手闕殘編掩葦門阿兒房裏報生孫旋沽一斗新筍
酒笑對千年老瓦盆欲賦添丁防衆誚敢將陰德向誰
論旁人若問貽謀事獨有牀頭破硯存

次韻向汝升述懷之作

莫向青銅歎早皤半生辛苦爲詩磨霸陵橋上衝寒
去飯顛山頭卓午過吟社每驚叉手易慈闈偏慮嗚呼
心多何如野老南阜外爛醉船頭卧短簑

會呂山吳汝秀於相城沈氏漁沙別業次之
衡山韻汝秀方以古今紀事之書類而成編
至千有餘卷皆有叙述

耳熟芳聲已有年兼聞載道足新編偶窺文豹山中
霧始愧醯雞籬裡天事業須期比檣杪功名何必問
貂蟬一樽共話漁沙上涼襲絺袍月滿船

岩溪詩集卷之四

